

खद्दर गे बाइबल  
एद'अना

आलास हीं  
थोमथोमरना शुरू।



तरती तूड़तारकी र'ई: Edward Hughes

तरती कमतारक'आ र'ई: Byron Unger; Lazarus  
Alastair Paterson

तरती हो'अतारकी र'ई: M. Maillot; Tammy S.

तरती उल्था नन्तारकी र'ई: इसान निंगहय नामे तूड़आ

तरती कमतारकी र'ई: Bible for Children  
[www.M1914.org](http://www.M1914.org)

©2021 Bible for Children, Inc.

लाइसेंस: इदिन मल बीसना गूटी, निंगहय गुसन ई कहानीन  
काँपी महले प्रिंट नन्ना हीं हक र'ई।



धर्मेस हरमीन कमचस! एकाबारी  
धर्मेस पौहिला आलास आदमसिन  
कमचस,होले आस तंग आली  
हच्वा गने अदन  
बडगी नु र'आ लगियस।



अबड़र आ उल्ला गूटी धर्मेस हीं  
पेःसकन मेनर अउर आस गने  
र'अनुम खुशमारनुम र'आ  
लगियर.....



“एन्द्रा धर्मेस  
निंगन बाचक’आ  
रहचस का नीन  
हरमी मन्न ता खंजपान  
अमके मोखा?” नेरद  
हव्वान मैजा।



“एम हरमी  
खंजपान मोखा  
ऑंगदम लिकिन  
ओन्टा, “आद आनाकिर्ताचा,  
“अगर एम आ खंजपान  
छवार’ओम महले मोखोम  
होले एम खे: ओम  
कालोम।” “नीन मल खे:  
ओय,” नेरद अलखिया।



“नीन धर्मेस लेखा  
मनोय कलोय।”

हच्वा आ मन्न ता  
खंजपान मोखा बेद्दा  
लगिया। आद नर्रे  
हीं कत्थान मेंजा अउर  
खंजपान मोकखा।



हव्वाद धर्मेस हीं कत्थान  
तांडचक'आ खोखा, आद  
आदमसिन हँ खंजपान मोखा  
गे उकसाचा आदमस गे  
“मला! एन धर्मेस  
हीं पे:सकन मल  
तांड'ओन”  
ब'अना रहचा।”







एकाबारी आदमस

अउर हच्वा पाप नंजर, अबड़ा दुयो इन अक्खर  
केरर का आर लगंटे र'अनर। अबड़र डुम्बारी  
अत्त'खन ओज्जर की तमन ढपचर अउर धर्मस  
हीं बरना ती आर झुपड़ा नु नुखरर केरर।




पुतबारी ता पंड्य्या बेडा नु धर्मेस  
बडगी नु बरचस। आस अख'आ  
लगियस का आदमस अउर हव्वाद  
एन्देर नंजक'आ र'अनर। आदमस  
हव्वान दोषी ठहराचस। हव्वाद  
नेरन दोषी ठहराचा।




धर्मेस बाचस, “नेरें शर्पारकी र’ई। खद्द  
जन्म’ओ बारी मुक्का गे कष्ट मनो।”  
“आदम, नीन पापे नंजकय, औंगे खेखेल  
राजी शर्पारकी र’ई अच्च अउर  
अच्च खोप्पा ती । नीन निंगहय  
रोजेम ता ओना-मोखा गे  
खट’ओय अउर  
पसीना चुरुख’ओय।”





धर्मस आदमस अउर हव्वान  
हयकटकना बडगी ती ओत्थ्रस  
चिच्चसँ। आर जिनगी चि'ऊ  
धर्मस ती फरके मंजक'आ  
केरक'आ रहचर, एन्देरगेका  
आर पाप नंजक'आ रहचर!





धर्मस आरिन  
बहरी उड्य्या गे ओन्टा लघर्ना  
तलवडर कमचस। धर्मस  
आदमस अउर हव्वा गे  
चपटा ती कडता कमचस।  
धर्मस एस्तैक चपटान  
होच्चक'आ रहचस?



जोक्क बेड़ा खोखा, आदमस अउर हच्वा हीं  
एइपा नु ओन्टा परिवार कन्द्रा। आर हीं पहिला  
खद्दस<sup>१</sup> कैनस ओरोत माली रहचस।




आर हीं दुसरा खद्दस, हाबिलस, ओरोत ग्वाला  
रहचस। उन्दुल कैन्स धर्मस गे भेट चि'आ गे  
जोक्क सब्जौ ओन्द्रस। हाबिलस तंगहय हुरमी  
ती दाव भेंडोन धर्मस गे भेट  
चि'आ गे ओन्द्रस।

हाबिलस  
हीं भेट ती  
धर्मस  
खुशमारस।



कैनस हीं भेट ती धर्मेस मल खुशमारस।  
कैनस अज्जम कयरारस। लिकिन धर्मेस  
बाचस, “अगर नीन अदिनीम ननोय  
एकदा ठीक र’ई, होले एन्द्रा  
निंगन ग्रहण मल नंतर’ओ?”





कैनस हीं कयर मल इत्तिया ।  
जोक्क बेड़ा खोखा खल्ल नु आस  
हाबिलस मंड्य्याँ हमला नंजस-  
अउर आसिन पिटयस चिच्चस।




धर्मेस कैनसिन बाचस, “निंगडीस हाबिलस  
एकसन र’अदस?” “एन बलदन,” कैनस  
ठकचस। “एन्द्रा एन इंगडीस हीं  
ईरू-खूजु हेकदन?”




धर्मेस कैनस हीं खल्ल-उखड़ी नन्ना हीं  
संवगन बच्चर की आसिन भटकार'ऊ  
कमचस की सस्ती चिच्चस।



कैनस धर्मेस हीं मुन्दहारे ती चाइल केरस।  
आस आदमस अउर हव्वा हीं तंगदन  
बेंजरक'आ रहचस। आर ओन्टा  
परिवारन पॉसर-परदर।



चांडेम, कैनस हीं नत्ती-नत्तगुर  
नगरन निंदचर चिच्चर एकंदन  
आस कमचक'आ रहचस।



ई बेड़ानुम, आदमस अउर हच्वा हीं  
परिबार चांडे बढर'आ हेलरा। आ  
उल्ला नु, आलार अक्कन ती बग्गे  
उल्ला गूटी उज्जा लगियर।



एकाबारी अदिहीं तंगदस शेतस कुन्द्रस,  
हव्वा बाचा, “धर्मस एंगा हाबिलस” हीं  
अड्डा नु शेतसिन चिच्चस।”



शेतस धर्मी आलास रहचस, ने 912  
बछर गूटी उज्जियस अउर आस हीं  
ढेरियेम् खदर रहचर।






खेखेल राजी नु एकन्ने-एकन्ने ओन्टा  
पिढ्ही नन्ना पिढ्हीन मानते केरा,  
आलार बग्गेम बिगडारते केरर।  
अन्तले, धर्मेस आल जाइतन  
नाश नना गे सोच्यस  
अउर हरमी



जानवर अउर  
ओः डा गुट्ठी।



धर्मेस आल कमचस की  
पसतारस। लिकिन ओरोत  
आलास धर्मेसिन  
खुशमारताचस . . .



ई आलास नूहस रहचस। शेतस हीं खंदन  
ता, नूहस धर्मी अउर निर्दोष रहचस।  
आस धर्मेस गने ईकयस।



आस तंगहय तीनों खद्दारिन धर्मस हीं  
पेःसकन मेना गे सिखाबाचस। अक्कु  
धर्मस नूहसिन हयकट अउर खास  
तरीका ती नलख नु  
ओन्द्र'आ गे  
सोच्चस।



आलास हीं थोमथोमरना शुरू।

धर्मस हीं बचन ती ओन्टा खीरी, बाइबल,

इय्या खखरी'ई

सिरजन 3-6

“निंगहय बचन हीं बखड़े बिल्ली चि'ई।”

अस्सना पड़ना 119:130



मुंजरा



इबड़ा बाइबल खीरी नमन नमहय हयकट धर्मेस हीं  
बारे नु तिंगी, ने नमन कमचस अउर आस चहदस  
का नीन आसिन अख'आ।

धर्मेस अखदस का नाम मलदाव नलख नंजक'आ  
र'अदत, एकदन आस पाप ब'अदस। पाप हीं सस्ती  
खे'अना हेके, लिकिन धर्मेस निंगन अज्जम चोन्हा  
नंदस औंगे आस तंगहय ओन्टा एकला तंगदस  
यीशुसिन तइय्यस का क्रुस नु खे'ओस अउर निंगहय  
पापुं गे सस्ती खकखोस। तेकर यीशुस उज्जा चोचस  
अउर तंगहय एड़पा मेर्खा राजी केरस! अगर नीन  
यीशुसिन पत्त'ओय अउर निंगहय पाप गे छमा  
ने'ओय, होले आस छमा ननोस चि'ओस। आस  
अक्कन बर'ओस अउर निंगहय जिया नु र'ओस,  
अउर नीन आस गने जिनगी जुग उज्जोय।



अगर नीन इदिन मानिम पत्त'अदय होले  
इदिन धर्मस ती ब'आ:

अना यीशु, एन पत्त'अदन का नीन धर्म हेकदय, अउर  
एंगहय पाप गे आल बंचकय की केचकय, अउर  
अक्कन उज्जने र'अदय। सोगगे एरर की एंगहय  
जिनगी नु बरा अउर एंगहय पापन छमा नना,  
एकात्तुक अक्कन एंगहय पुना जिनगी मनो, अउर  
उन्दुल निंगहय गने जिनगी जुग र'ओन। एंगन  
निंगहय खद्द लेखा निंगहय कत्थान पे:सर'आ गे  
अउर निंगा उज्जा गे सहारा चि'आ। आमीन।

रोजेम बाइबल पढ़'आ अउर धर्मस गने कसनख्र'आ!  
योहन 3:16

